

Izveštaj o radu Uprave policije MUP-a Kantona Sarajevo za 2020. godinu

KRIMINALITET

Kriminalitet na području Kantona Sarajevo u 2020. godini u odnosu na prethodnu godinu, posmatrano kroz statističke pokazatelje, karakteriše povećanje broja, događaja sa obilježjem krivičnog djela za 19,3%, dok je smanjen broj prijavljenih lica za 2,4% maloljetnih izvršilaca za 30,4%, povratnika za 4,7% i lica lišenih slobode za 14,1%.

STATISTIČKI POKAZATELJI

Na području Kantona Sarajevo u 2020. godini, prema službenim evidencijama Uprave policije MUP-a Kantona Sarajevo registrovana su 4.923 događaja sa obilježjem krivičnoga djela što je za 797 ili 19,3% više nego u 2019. godini.

Od ukupnog broja događaja sa obilježjem krivičnog djela, 2.185 je evidentirano po poznatom izvršiocu (ili 44,4% od ukupnog broja), a 2.738 po nepoznatom izvršiocu (ili 55,6%), od kojih su 752 naknadno rasvijetljena (ili 27,5%), što je za 5,4% manje u odnosu na 2019. godinu.

U 2020. godini Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 3.117 obavijesti o događajima u kojima je pričinjena neznatna materijalna šteta (473 više).

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U 2020/19.GODINI

godina	Broj događaja sa obilježjem krivičnog djela			Broj naknadno rasvijetljenih događaja izvršenih po nepoznatom izvršiocu		Broj prijavljenih lica			Broj lica lišenih slobode
	Ukupno	od toga				Ukupno	od toga		
		po poznatom izvršiocu	po NN izvršiocu	Ukupno	od toga iz ranijeg perioda		Ukupno	maloljetnici	
2020.GODINA	4.923	2.185	2.738	752	383	2.439	48	1.440	1.031
2019. GODINA	4.126	2.038	2.088	687	331	2.499	69	1.511	1.200
uporedba	797	147	650	65	52	-60	-21	-71	-169
	19,3%	7,2%	31,1%	9,5%	15,7%	-2,4%	30,4%	-4,7%	-14,1%

U toku 2020. godine prijavljeno je 2.439 lica, od čega je 1.440 povratnika (ili 59% prijavljenih), 48 maloljetnika, a 1.031 lice je lišeno slobode (ili 42,3% prijavljenih). U odnosu na prethodnu godinu manji je broj prijavljenih lica za 60 (ili 2,4%), maloljetnih izvršilaca za 21 (ili 30,4%) povratnika za 71 (ili 4,7%) i lica lišenih slobode za 169 (ili 14,1%).

Za događaje sa obilježjem krivičnog djela, koji su evidentirani u 2020. godini, nastupila je materijalna šteta u ukupnom iznosu od cca 8.737.089,54 KM i 24.700 € i 100 \$.

**UPOREDNI POKAZATELJI DOGAĐAJA SA OBILJEŽJEM KRIVIČNOG DJELA NA PODRUČJU KANTONA SARAJEVO
U 2020/19. GODINE PREMA GLAVAMA KRIVIČNOG ZAKONA FBiH-a I KZBiH-a**

KZ FBiH i KZ BiH	2020. GODINA	2019. GODINA	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	broj naknadno rasvjetljenih događaja	
			+ / -	%			broj	%
Protiv ustavnog poretka Federacije	1	0	1	---	1	0	0	---
Protiv života i tijela	179	202	-23	-11,4%	158	21	11	52,4%
Protiv slobode i prava čovjeka i građan.	200	183	17	9,3%	182	18	13	72,2%
Protiv spolne slobode i morala	18	22	-4	-18,2%	17	1	1	100%
Protiv braka, porodice i mladeži	244	290	-46	-15,9%	244	0	0	---
Protiv zdravlja ljudi	437	545	-108	-19,8%	437	0	0	---
Protiv privrede, posl. i sigur. platnog..	3	6	-3	-50%	3	0	0	---
Protiv imovine	2.982	2.360	622	26,4%	369	2.613	706	27%
Protiv okoliša	8	4	4	100%	4	4	0	0%
Protiv opće sigurnosti ljudi i imovine	111	89	22	24,7%	51	60	10	16,7%
Protiv sigurnosti javnog prometa	78	101	-23	-22,8%	78	0	0	---
Protiv pravosuđa	17	13	4	30,8%	11	6	6	100%
Protiv javnog reda i pravnog prometa	228	204	24	11,8%	213	15	5	33,3%
Protiv podmić. i kd protiv sl. i dr. odg...	359	37	322	870,3%	359	0	0	---
Protiv sistema elekt. obrade podataka	0	2	-2	---	0	0	0	---
Protiv privrede i jed. tržišta...(KZBiH)	2	9	-7	-77,8%	2	0	0	---
Protiv slobode i prava čovjeka...(KZBiH)	1	0	1	---	1	0	0	---
ZONDINOIM (Sl.novine KS br.01/18)	55	59	-4	-6,8%	55	0	0	---
UKUPNO	4.923	4.126	797	19,3%	2.185	2.738	752	27,5%

U 2020. godini, u odnosu na 2019. godinu, zabilježeno je povećanje broja događaja sa obilježjem krivičnog djela i to za 797 ili 19,3%. Povećanje je zabilježeno u oblastima protiv: imovine (za 622 događaja ili 26,4%), podmićivanja i krivična djela protiv službene i druge odgovorne dužnosti (za 322 ili 870,3%), javnog reda i pravnog prometa (za 24 ili 11,8%), slobode i prava čovjeka i građanina (za 17 ili 9,3%), itd, dok je smanjenje evidentirano u oblastima protiv: zdravlja ljudi (za 108 ili 19,8%), braka, porodice i mladeži (za 46 ili 15,9 %), života i tijela (za 23 ili 11,4%), sigurnosti javnog prometa (za 23 ili 22,8%), itd.

U 2020. godini za ukupno 994 podnesena službena izvještaja, od strane Kantonalnog tužilaštva, donesena je naredba o obustavi i neprovođenju istrage (581 ili 36,9% manje u odnosu na 2019. godinu).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U toku 2020. godine evidentirano je 179 događaja sa obilježjem krivičnog djela iz oblasti protiv života i tijela (23 manje u odnosu na uporedni period) i to 158 po poznatom i 21 po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - 11 (tri više),
- ubistvo u pokušaju (član 166. KZ FBiH u vezi člana 28.) - 16 (četiri više),
- ubistvo u podstrekavanju (član 166. KZFBiH u vezi člana 32.) - jedan (nije bilo događaja),
- ubistvo u pomaganju (član 166. KZ FBiH u vezi člana 33.) - jedan (nije bilo),
- teška tjelesna ozljeda (član 172. KZ FBiH) - 45 (14 manje),
- lahka tjelesna ozljeda (član 173. KZ FBiH) - 102 (16 manje) i
- učestvovanje u tuči (član 174. KZ FBiH) - tri događaja (isti broj)

Nadležnom tužilaštvu podneseni su službeni izvještaji protiv 178 lica, od koji su 84 povratnika ili 47,2%, a 53 su lišena slobode.

Ubistva su izvršena upotrebom noža – osam puta, vatrenog oružja – jednom i upotrebom fizičke snage.

Ubistva u pokušaju izvršena su upotrebom noža – devet puta, vatrenog oružja – pet i upotrebom fizičke snage – dva puta.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 200 događaja sa obilježjem krivičnog djela (17 više) i to: - ugrožavanje sigurnosti – 188, narušavanje nepovredivosti doma i protupravno lišenje slobode – po četiri, neovlašteno optičko snimanje - tri i otmica u pokušaju – jedan događaj. Službeni izvještaji su podneseni protiv 195 lica od kojih je 111 povratnika (ili 56,9%), a 40 je lišeno slobode.

Događaji sa obilježjem krivičnog djela - ugrožavanje sigurnosti, počinjeni su upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.

PROTIV BRAKA, PORODICE I MLADEŽI

U ovoj oblasti evidentirana su 244 događaja sa obilježjem krivičnog djela (46 manje) i to: nasilje u porodici – 241 događaj, oduzimanje djeteta ili maloljetnika, nasilje u porodici u sačiniteljstvu, i izbjegavanje izdržavnja - po jedan događaj. Službeni izvještaji podneseni su protiv 245 lica od kojih su 133 povratnika ili 54,3%, a 140 je lišeno slobode.

PROTIV ZDRAVLJA LJUDI

Iz oblasti protiv zdravlja ljudi registrovano je 437 događaja sa obilježjem krivičnog djela (108 ili 19,8% manje) i to:

- neovlašćena proizvodnja i stavljanje u promet opojnih droga – 29,
- posjedovanje i omogućavanje uživanja opojnih droga – 404,
- nepostupanje po zdravstvenim propisima za vrijeme pandemije - tri
- prenošenje zaraznih bolesti – jedan događaj.

Iz ove oblasti prijavljeno je 449 lica (105 manje), od kojih je 271 povratnik (ili 60,4%), a 225 lica je lišeno slobode (127 manje).

TABELARNI PREGLED ODUZETE OPOJNE DROGE U PERIODU 2020/19. GODINI

VRSTA OPOJNE DROGE	2020. GODINA	2019. GODINA
Marihuana (u gramima)	15.819,094	144.952,00
Marihuana (paketići)	405	290
Heroin (paketići)	30	41
Heroin (u gramima)	203,271	6
Amfetamin (paketići)	77	124
Amfetamin (u gramima)	2.315,967	9.045,00
Cannabis (stabljike)	192	353
Cannabis (sjemenke)	145	100
Cannabis (ulje)	---	92 bočice oko 2.760 ml
Kokain (u gramima)	6,366	2
Ecstasy (tablete)	262,5	548,5
Ecstasy (u gramima)	41,275	---
Speed (u gramimatablete)	76,285	---
Pribor sa ostacima droge (komada)	60	61

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službene izvještaje protiv 42 lica zbog postojanja osnova sumnje da su u 2020. godini neovlašteno proizvodili, zatim kupovali opojnu drogu ("Marihuanu", "Amfetamin", „Heroin“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 404 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", „Ecstasy“, „Heroin“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PROTIV PRIVREDE, POSLOVANJA I SIGURNOSTI PLATNOG PROMETA

Iz ove oblasti registrovana su tri događaja sa obilježjem krivičnog djela (tri manje) i to: obmana pri dobijanju kredita ili drugih pogodnosti – dva i sklapanje štetnog ugovora - jedno djelo, a prijavljena su tri lica.

Takođe, u 2020. godini, zadokumentovani su i događaji sa obilježjem krivičnog djela koja su u vezi sa „privrednim kriminalom“, a svrstani su u druge glave KZFBiH-a i KZ BiH-a i to: primanje dara i drugih oblika koristi – 293, krivotvorenje isprave - 64, zloupotreba položaja ili ovlašćenja - 40, pronevjera u službi – devet, davanje dara ili drugih oblika koristi – šest, krivotvorenje službene isprave - pet, krivotvorenje novca - dva, prijevara povjeritelja, prijevara, primanje nagrade ili drugog oblika koristi za trgovinu uticajem, nesavjestan rad u službi – po dva, itd.

Nastala materijalna šteta u ovoj oblasti iznosi 3.036.129,10 KM (u prethodnoj godini materijalna šteta iz oblasti protiv „privrede“ iznosila je 767.986,24 KM, 5.300 € i 200 \$).

PROTIV IMOVINE

U oblasti protiv imovine registrovana su 2.982 događaja sa obilježjem krivičnog djela što je za 622 ili 26,4% više u odnosu na uporedni period. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 1.458 (286 više),
- krađa (član 286. KZ FBiH) – 832 (361 više),
- razbojništvo (član 289. KZ FBiH) – 333 (45 manje),
- oštećenje tuđe stvari (član 293. KZ FBiH) – 165 (24 više),
- teška krađa u pokušaju (član 287. KZ FBiH u vezi člana 28.) – 51 (12 više),
- utaja (član 290. KZ FBiH) – 47 (tri manje),
- prijevara (član 294. KZ FBiH) - 32 (jedan manje), itd.

Od ukupno 2.613 događaja evidentiranih po nepoznatom izvršiocu naknadno je rasvijetljeno 706 ili 27% što je za 5,1% manje u odnosu na 2019. godinu.

U ovoj oblasti prijavljena su 762 lica od kojih je 558 povratnika (ili 73,2%), a 320 je lišeno slobode.

Objekti napada pri vršenju teških krađa najčešće su bili stambeni objekti – 488 puta (29 manje), prodavnice i drugi poslovni prostori - 414 (225 više), motorna vozila (otuđenja motornih vozila i „provale“ u ista) - 228 (107 manje), na ulici - 116 (15 više), itd., pri čemu su otuđivana, novac, nakit, tehnička roba, prehrambeni proizvodi, cigarete, motorna vozila, građevinski materijal, ogrijevno drvo, alati, itd.

U 2020. godini na području Kantona Sarajevo registrovana su 94 otuđenja motornih vozila, od čega su 53 ili 56,4% vraćena (od strane policije MUP Kantona Sarajevo vraćeno je 30 vozila, MUP RS-a – četiri, drugih MUP-ova – dva i 17 vozila vlasnici su sami pronašli).

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 15 lica (17 manje) od kojih je osam povratnika (ili 53,3%).

U odnosu na 2019. godinu broj otuđenih motornih vozila znatno je smanjen (za 79 ili 45,7%).

Na području Kantona Sarajevo u 2020. godini registrovana su 333 razbojništava što je za 45 ili 11,9% manje u odnosu na isti period prethodne godine.

Od ukupno 301-nog razbojništva evidentiranih po nepoznatom izvršiocu naknadno je rasvijetljeno 136 ili 45,2% (što je za 1% više u odnosu na 2019. godinu).

Razbojništva su počinjena u prodavnicama i drugim poslovnim prostorima - 145 puta (13 manje), u sportskim kladionicama - 58 (tri više), na ulici - 83 (12 više), apotekama - 32 (tri manje), benzinskim pumpama - devet (41 manje), itd., a izvršena su prijetnjom upotrebe vatrenog oružja - 137 puta (18 manje), prijetnjom i upotrebom noža ili drugog oštrog predmeta (komad stakla, šrafciğer i sl.) - 106 (tri manje) i upotrebom fizičke snage - 90 puta (šest više).

Prijavljena su 122 lica (39 manje) od kojih je 87 povratnika ili 71,3%, a 69 lica je lišeno slobode.

Evidentirana su 832 događaja sa obilježjem krivičnog djela krađe (361 više) i to: u poslovnim prostorima - 272 puta, na ulici - 249, vozilima i na stajalištima GRAS-a - 149, u stambenim objektima - 143, itd. odakle su otuđivani novčanici, mobiteli, prehrambeni proizvodi, bicikla, auto-dijelovi, itd.

U 2020. godini registrovano je 125 teških krađa na naročito opasan ili naročito drzak način (tri ili 2,5% više) u kojima su izvršioci, upotrebom fizičke snage - 103 puta, te verbalnom prijetnjom u 22 slučaja, otimali mobitele, nakit i novac, a evidentirani su: 101 put na ulici, sedam u sportskim kladionicama, šest na tramvajskim stajalištima, pet u prodavnicama, itd.

Za izvršenje ovih oblika teških krađa, prijavljeno je 31-no lice, od kojih je 26 povratnika (ili 83,9%), a 19 je lišeno slobode. Od ukupno 113 „drskih krađa“ evidentiranih po nepoznatom izvršiocu naknadno je rasvijetljeno 36 ili 31,8% što je za 1,7% manje u odnosu na prethodnu godinu.

PROTIV OPĆE SIGURNOSTI LJUDI I IMOVINE

Iz ove oblasti evidentirano je 111 događaja sa obilježjem krivičnog djela (22 više) i to: izazivanje opće opasnosti - 85, nesavjesno čuvanje pasa i drugih opasnih životinja - 15, teška krivična djela protiv opće sigurnosti ljudi i imovine - sedam, izazivanje opće opasnosti u podstrekavanju - tri i izazivanje opće opasnosti u pokušaju - jedan događaj.

Događaji sa obilježjem krivičnog djela izazivanje opće opasnosti izvršeni su na otvorenom prostoru 73 puta, u stambenom objektu - šest, u ugostiteljskom objektu - četiri, u garaži i u vjerskom objektu (džamiji) - po jednom, pri čemu je 47 puta otvorenim plamenom izazvan požar, u 26 slučaja je upotrijebljeno vatreno oružje, 11 puta je ostavljena odnosno aktivirana nepoznata eksplozivna naprava i u jednom slučaju je na balkon stana bačena nepoznata eksplozivna naprava koja nije eksplodirala. Posljedice navedenih događaja su ranjavanje sedam lica od kojih je jedno samoranjavanje te nastala materijalna šteta i uznemirenost građana.

Nadležnom tužilaštvu podneseni su službeni izvještaji protiv 71 lica, od čega je 45 povratnika ili 63,4%, a 38 je lišeno slobode.

PROTIV JAVNOG REDA I PRAVNOG PROMETA

U ovoj oblasti registrovano je 228 događaja sa obilježjem krivičnog djela (24 više) i to: krivotvorenje isprave – 91 događaj, nasilničko ponašanje - 64, napad na službenu osobu u vršenju poslova sigurnosti – 33, nedozvoljeno držanje oružja ili eksplozivnih materija – 23, sprečavanje službene osobe u vršenju službene radnje - sedam, skidanje ili povreda službenog pečata ili znaka – četiri, ovjeravanje neistinitog sadržaja – tri, itd.

Nadležnom tužilaštvu podneseni su službeni izvještaji protiv 236 lica, od kojih je 118 povratnika ili 50%, a 89 je lišeno slobode.

PROTIV PODMIĆIVANJA I KRIVIČNA DJELA PROTIV SLUŽBENE I DRUGE ODGOVORNE FUNKCIJE

U ovoj oblasti evidentirano je su 359 događaja sa obilježjem krivičnog djela (322 više) i to: primanje dara ili drugih oblika koristi – 293, zloupotreba položaja ili ovlaštenja - 40, pronevjera u službi – deset, davanje dara i drugih oblika koristi – šest, krivotvorenje službene isprave – pet, primanje nagrade ili drugog oblika koristi za trgovinu uticajem i nesavjestan rad u službi – po dva i odavanje službene tajne – jedan događaj.

Nadležnom tužilaštvu podneseni su službeni izvještaji protiv 73 lica od kojih je 15 povratnika (ili 20,5%), a 22 lica su lišena slobode.

Značajno povećanje broja registrovanih događaja sa obilježjem krivičnih djela u ovoj oblasti rezultat je provedene akcije kodnog naziva „DAR 1“ koju je pod nadzorom Kantonalnog tužilaštva Kantona Sarajevo provela Uprava policije MUP-a Kantona Sarajevo s ciljem rasvjetljavanja i dokumentovanja krivičnih djela sa obilježjem korupcije u redovima policije.

DOGAĐAJI SA OBILJEŽJEM KRIVIČNOG DJELA REGULISANI ZONDINOIM-om

U 2020. godini evidentirano je 55 događaja (četiri manje) regulisanih Zakonom o nabavljanju, držanju i nošenju oružja i municije Kantona Sarajevo i nadležnom tužilaštvu su podneseni službeni izvještaji protiv 57 lica.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U toku 2020. godine evidentirano je 66 događaja sa obilježjem krivičnog djela, u kojima je učestvovalo 48 maloljetnih lica. U odnosu na 2019. godinu smanjen je broj maloljetnih lica za 21 ili 30,4%, dok je broj događaja sa obilježjem krivičnog djela smanjen za osam ili 10,8%. Prijavljeni maloljetnici su u dobi od 14 do 16 godina – 21, od 16 do 18 godina – 27. Od ukupnog broja maloljetnika 22 su povratnika u izvršenju događaja sa obilježjem krivičnog djela.

STAROSNA DOB MALOLJETNIH LICA ZA 2020/2019. GODINU

godina	od 14 do 16 god.	od 16 do 18 god.	ukupno
2020. godina	21	27	48
2019. godina	29	40	69
Uporedba (+/-,%)	-8 27,6%	-13 32,5%	-21 30,4%

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA
MALOLJETNA LICA ZA 2020/2019. GODINU

dogadjaji sa obilježjem krivičnog djela (KZ FBiH)	2020. godina	2019. godina
Ubistvo	---	1
Ubistvo u pokušaju	1	2
Čedomorstvo	---	1
Teška tjelesna ozljeda	1	11
Lahka tjelesna ozljeda	4	8
Učestvovanje u tuči	1	2
Ugrožavanje sigurnosti	1	5
Spolni odnošaj s djetetom	2	1
Bludne radnje	---	1
Zadovoljenje pohote pred djetetom ili maloljetnikom	---	1
Nasilje u porodici	3	---
Posjedov. i omoguć. uživanja opoj. droga	7	7
Krađa	3	6
Teška krađa	8	2
Teška krađa u pokušaju	1	2
Teška krađa na naroč. opasan ili naročito drzak način	11	5
Razbojništvo	10	8
Razbojništvo u pokušaju	1	---
Utaja	---	2
Oštećenje tuđe stvari	2	3
Lažno prijavljivanje	2	---
Napad na službenu osobu u vršenju poslova sigurnosti	1	1
Nasilničko ponašanje	6	5
ZONDINOIM	1	---
UKUPNO	66	74

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku 2020. godine na području Kantona Sarajevo evidentirano je 19 događaja aktiviranja minsko-eksplozivnih sredstava (devet više u odnosu na 2019. godinu) usljed čega je nastupila materijalna šteta. Za sada su u pet slučajeva identifikovani učinioci, protiv njih su preduzete zakonske mjere, a preduzimaju se aktivnosti na rasvjetljavanju ostalih slučajeva i pronalaženju učinilaca.

U toku 2020. godine evidentirano je 16 slučajeva anonimnih dojava o postavljanju eksplozivne naprave (31 manje u odnosu na 2019. godinu). Nakon KDZ pregleda utvrđeno je da su dojave bile lažne. Za sada su u dva slučaja identifikovani učinioci i protiv njih su preduzete zakonske mjere, a preduzimaju se aktivnosti na rasvjetljavanju ostalih slučajeva i pronalaženju učinilaca.

POŽARI

U toku 2020. godine, na području Kantona Sarajevo registrovano je 266 požara (57 više) u kojima su tri lica poginula, a 12 lica povrijeđeno. Prema statističkim pokazateljima 94 požara su izazvana namjerno, 48 nehatom, 37 zbog tehničkih nedostataka, dok uzroci 87 požara spadaju u kategoriju ostalih.

Požari su evidentirani u:

- Saobraćajnom sredstvu - 70 puta,
- Stambenom objektu - 48,
- Poslovnom prostoru - 23,
- Pomoćnom objektu - 22,
- Šumi - 15,
- Magacinu - dva,

- Proizvodnom objektu - jednom,
- Ostalim objektima - 85 puta.

Zbog izazivanja požara, nadležnim tužilaštvima podnesena su 53 službena izvještaja: 47 iz člana 323 KZ FBiH (izazivanje opće opasnosti) i šest iz člana 301 KZ FBiH (paljevina).

SAMOUBISTVA

U toku 2020. godine na području Kantona Sarajevo registrovano je 41. samoubistvo (sedam više), koja su izvršena: vješanjem - 15 puta, skokom sa visine - 12 puta, upotrebom vatrenog oružja - devet puta, upotrebom oštrog predmeta - dva puta, trovanjem, upotrebom sjekire i konzumiranjem narkotičkih sredstava - po jednom.

TABELARNI PREGLED POČINJENIH SAMOUBISTAVA NA PODRUČJU KANTONA SARAJEVO
2020. GODINA

NAČIN IZVRŠENJA	MUŠKARCI				ŽENE				UKUPNO
	STAROSNA DOB								
	od 20 do 30	od 30 do 40	od 40 do 50	preko 50 godina	od 20 do 30	od 30 do 40	od 40 do 50	preko 50 godina	
VJEŠANJEM	2	3	2	7				1	15
VATRENIM ORUŽJEM			2	7					9
UTAPANJEM									
OŠTRIM PREDMETOM			1	1					2
TROVANJEM				1					1
SKOKOM SA VISINE	1		2	7		1		1	12
OSTALI NAČINI		2							2
UKUPNO	3	5	7	23		1		2	41

Prema spolu, izvršioci samoubistava su 38 muškaraca i tri žene.

Muškarci su starosne dobi: preko 50 godina -23 lica, od 40 do 50 godina - sedam, od 30 do 40 godina - pet i od 25 do 30 godina - tri lica.

Žene su starosne dobi: preko 50 godina - dva lica i od 30 do 40 godina - jedno lice.

OSTALE AKTIVNOSTI

Od strane Policijskih uprava fizičkim licima izdato je 1.418 odobrenja za nabavku vatrenog oružja i 1.320 oružnih listova.

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 58 pištolja, 21 ručna bomba, 17 pušaka, 25 noževa, mačeva, sablji i sl., 4.436 komada petardi, 2.019 komada municije različitog kalibra, itd.

JAVNI RED I MIR

U toku 2020. godine u oblasti protiv javnog reda i mira evidentirana su 12.152 prekršaja (7.998 ili 192,5% više u odnosu na 2019. godinu), a za izvršenje navedenih prekršaja prijavljeno je 12.401 lice (8.002 ili 181,9% više), od čega je 920 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 11.193 naloga i podneseno je 959 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 11.701 prekršaj (ili 96,3%), a na prekršaje koji su utvrđeni Odlukom općinskih vijeća o javnom redu i miru 451 (ili 3,7%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina (4.533), preko 36 godina (4.132), 19 i 25 godina (3.666), i do 18 godina – 70 učinilaca.

Prilikom narušavanja javnog reda i mira u toku 2020. godine, nije bilo teže povrijeđenih lica (isto kao u 2019. godini), dok su 82 lica (27 manje) lakše povrijeđena.

Iz tabelarnog pregleda vidljivo je da je najveći broj prekršaja evidentirano u PS Centar (2.881 ili 23,7% od ukupnog broja), a najmanje u PS Trnovo – 68.

U toku 2020. godine, u odnosu na 2019. godinu povećan broj evidentiranih prekršaja imale su sve Policijske stanice i Jedinica za saobraćaj.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA 2020/2019.GODINU

STRUKTURA PREKRŠAJA	2020. godina	2019. godina	upredba
UKUPNO NALOGA I ZAHTJEVA	12.152	4.154	+7.998 ili 192,5%
UKUPNO LICA	12.401	4.399	+8.002 ili 181,9%
Prekršaji iz Zakona o prekršajima protiv JRiM:	11.701	3.617	+8.084 ili 223,5%
- <i>Tuče</i>	322	339	-17 ili 5%
- <i>Naročito drsko ponašanje</i>	565	416	+149 ili 35,8%
- <i>Odbijanje naređenja i omalov. policijskih sl.</i>	2.048	360	+1.688 ili 468,9%
- <i>Svađa, vika, nepristojno ponašanje</i>	182	142	+40 ili 28,2%
- <i>Uživanje opojne droge na javnom mjestu</i>	39	21	+18 ili 85,7%
- <i>Neovlašćena upotreba oružja</i>	3	3	isti broj
- <i>Paljenje petardi</i>	17	15	+2 ili 13,3%
- <i>Prosjačenje</i>	1.128	1.755	-627 ili 35,7%
- <i>Ostali prekršaji iz Zakona o prekrš. protiv JRiM</i>	7.397	566	+6.831 ili 1.206,9%
Prekršaji prema Odluci OV o JRiM	451	537	-86 ili 16%

Iz tabelarnog pregleda vidljivo je, da je tokom 2020. godine, u odnosu na prethodnu godinu prema strukturi povećan sljedeći broj prekršaja:

- ostali prekršaji za 6.831,
- odbijanje naređenja i omalovažavanje policijskih službenika za 1.688,
- naročito drskog ponašanja za 149,
- svađa, vika, nepristojno ponašanje za 40,
- uživanje opojne droge za 18,
- paljenje petardi za dva,

dok je smanjen broj prekršaja:

- prosjačenje za 627,
- prekršaji koji su regulisani Odlukom općinskih vijeća za 86,
- tuče za 17.

Broj prekršaja učinjenih neovlaštenom upotrebom oružja ostao je isti.

Prema mjestu izvršenja, najveći broj prekršaja evidentiran je na ulici i na drugim otvorenim prostorima – 11.383, a znatno manje u trgovinama i zanatskim radnjama - 379, ugostiteljskim objektima – 133, na ostalim mjestima – 241, u školama i školskim dvorištima – 10, u vozilima javnog saobraćaja – pet i na sportskim stadionima i dvoranama - jedan prekršaj.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
PREMA MJESTU IZVRŠENJA ZA 2020/2019. GODINU

MJESTO IZVRŠENJA	2020. godina	2019. godina	uporedba
Ulice i drugi otvoreni prostori	11.383	3.771	+7.612 ili 201,8%
Ugostiteljski objekti	133	160	-27 ili 16,9%
Sportski stadioni i dvorane	1	8	-7 ili 87,5%

Vozila javnog saobraćaja	5	3	+2 ili 66,7%
Škole i školska dvorišta	10	17	-7 ili 41,2%
Trgovinske i zanatske radnje	379	13	+366 ili 2.815,4%
Ostala mjesta	241	182	+59 ili 32,4%
UKUPNO	12.152	4.154	+7.998 ili 192,5%

U odnosu na 2019. godinu, smanjen je broj prekršaja evidentiranih u ugostiteljskim objektima za 27, na sportskim stadionima i u dvoranama za sedam, u školama i školskim dvorištima za sedam, dok je broj prekršaja na ulicama i drugim otvorenim prostorima povećan za 7.612, u trgovinama i zanatskim radnjama za 366, na ostalim mjestima za 59 i u vozilima javnog saobraćaja za dva prekršaja.

Na području Kantona Sarajevo u toku 2020. godine održana su 1.554 javna skupa (1.367 ili 46,8% manje u odnosu na 2019. godinu). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 199 slučajeva izvršeno je KDZ osiguranje.

SAOBRAĆAJ

U toku 2020. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i nastradalim licima kao i broj povrijeđenih lica, dok je broj poginulih lica povećan.

Registrovano je 8.188 saobraćajnih nezgoda (1.043 ili 11,3 % manje), od čega 7.445 sa materijalnom štetom (965 ili 11,5 % manje) i 743 sa nastradalim licima (78 ili 9,5 % manje). U navedenim nezgodama 13 lica je poginulo (jedno ili 8,3 % više), a 917 lica je povrijeđeno (121 ili 11,6 % manje), od čega 100 teže i 817 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
2020./2019. GODINA

	2020.	2019.	uporedba	
			+, -	%
UKUPAN BROJ SAOBRAĆAJNIH NEZGODA	8.188	9.231	- 1.043	- 11,3 %
SAOBRAĆAJNE NEZGODE SA NASTRADALIM LICIMA	743	821	- 78	-9,5 %
SAOBRAĆAJNE NEZGODE SA MATERIJALNOM ŠTETOM	7.445	8.410	- 965	- 11,5 %
POGINULO LICA	13	12	+1	+ 8,3 %
- vozači	8	5	+ 3	+ 60 %
- putnici	1	2	- 1	- 50 %
- pješaci	4	5	-1	-20 %
POVRIJEĐENO LICA	917	1.038	-121	- 11,6 %
- vozači	543	546	- 3	- 0,5 %
- putnici	229	287	- 58	- 20,2 %
- pješaci	145	205	- 60	- 29,3 %

U naselju je registrovano 7.620 saobraćajnih nezgoda (devet sa poginulim, 674 sa povrijeđenim licima i 6.937 sa materijalnom štetom), van naselja 568 nezgoda (tri sa poginulim, 57 sa povrijeđenim licima i 508 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
2020. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	9	86	588	6.937	7.620	9	92	750

van naselja	3	7	50	508	568	4	8	67
UKUPNO	12	93	638	7.445	8.188	13	100	817

Prema kategoriji puta, saobraćajne nezgode registrovane su:

- na ulicama u naselju - 4.880 nezgoda (pet lica poginulo, 408 lica povrijeđeno),
- na magistralnim putevima - 1.161 (pet lica poginulo, 216 lica povrijeđeno),
- na regionalnim putevima - 638 (70 lica povrijeđeno),
- na lokalnim putevima - 339 (jedno lice poginulo, 39 lica povrijeđeno),
- na putevima koji se ubrajaju u kategoriju ostalih - 1.170 (dva lica poginula, 184 lica povrijeđena).

Prema karakteristikama puta, saobraćajne nezgode registrovane su:

- na raskrsnicama u naselju - 939 (tri lica poginula, 145 lica povrijeđeno),
- na raskrsnicama van naselja - 267 (22 lica povrijeđena),
- na pješačkim prelazima - 105 (35 lica povrijeđeno),
- na nadvožnjaku - pet (bez nastradalih lica),
- u tunelu - tri (jedno lice povrijeđeno),
- na mostu - dvije nezgode (jedno lice poginulo, jedno povrijeđeno),
- na putevima koji se ubrajaju u karakteristike ostalih - 6.867 (devet lica poginulo, 713 lica povrijeđeno).

•

POSLEDICE SAOBRAĆAJNIH NEZGODA

U toku 2020. godine, u saobraćajnim nezgodama na području Kantona Sarajevo nastradalo je ukupno 930 lica (120 ili 11,4 % manje). Trinaest lica je poginulo (jedno ili 8,3 % više), dok je 917 lica povrijeđeno (121 ili 11,6 % manje), od čega 100 teže (72 ili 41,9 % manje) i 817 lakše (49 ili 5,6 % manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
2020/2019.GODINA

PERIOD	2020. GODINA			2019. GODINA			UPOREDBA 2020/19. GOD.		
vrsta posljedice	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	8	45	498	5	74	472	+ 3	- 29	+ 26
PUTNICI	1	19	210	2	26	261	- 1	- 7	- 51
PJEŠACI	4	36	109	5	72	133	- 1	- 36	- 24
UKUPNO	13	100	817	12	172	866	+ 1	- 72	- 49

KATEGORIJE LICA POGINULIH U SAOBRAĆAJNIM NEZGODAMA PO OPĆINAMA

- Vozači - osam
- Pješaci - četiri
- Putnici - jedan

Najkritičnija saobraćajnica za učesnike u saobraćaju bio je magistralni put M 17 (općina Hadžići), gdje su četiri lica poginula (dva vozača motornih vozila i dva vozača motocikla).

STEPEN POVREDA UČESNIKA U SAOBRAĆAJNIM NEZGODAMA

- Vozači : 543 vozača povrijeđeno (45 teže i 498 lakše),
- Putnici: 229 putnika povrijeđeno (19 teže i 210 lakše),
- Pješaci: 145 pješaka povrijeđeno (36 teže i 109 lakše).

Starosna struktura nastradalih lica u saobraćajnim nezgodama je slijedeća:

- Ispod 6 godina – 15 lica,
- od 6 do 9 godina - 17,
- od 10 do 14 godina – 25,
- od 15 do 17 godina - 25,
- od 18 do 20 godina - 47,
- od 21 do 24 godina - 114,
- od 25 do 30 godina - 148,
- od 31 do 40 godina - 186,
- od 41 do 50 godina - 143,
- od 51 do 65 godina - 113,
- 66 i više godina - 54,
- Nepoznata starosna dob - 43 lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 76 lica,
- od 23 do 30 godina - 121,
- od 30 do 40 godina - 149,
- od 40 do 50 godina - 104,
- od 50 do 60 godina - 62,
- 60 i više godina - 31,
- Nepoznata starosna dob – osam lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 6.828 (11 lica poginulo, 669 lica povrijeđeno),
- neprilagođena brzina - 1.294 (jedno lice poginulo, 231. lice povrijeđeno),
- uticaj alkohola - 53 (jedno lice poginulo, 16 lica povrijeđeno),
- klizav put- osam (jedno lice povrijeđeno),
- oštećenje puta - tri (bez nastradalih lica),
- umor - jedna saobraćajna nezgoda (bez nastradalih lica),
- neispravan pneumatik - jedna saobraćajna nezgoda (bez nastradalih lica).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 193.855 vozila (25.766 ili 11,7 % manje).

Zbog kršenja propisa iz oblasti sigurnosti saobraćaja uručena su 197.292 prekršajna naloga vozačima (24.234 ili 10,9 % manje), podneseno 3.719 zahtjeva za pokretanje prekršajnog postupka (2.429 ili 188,3 % više) i registrovano 78 događaja sa obilježjem krivičnog djela zbog ugrožavanja sigurnosti saobraćaja (23 ili 22,8 % manje).

Zbog tehničke neispravnosti, iz saobraćaja je isključeno 299 vozila (187 ili 38,5 % manje), 2.423 vozača su zatečena da upravljaju vozilom pod dejstvom alkohola (796 ili 24,7 % manje), 4.511 bez korištenja sigurnosnog pojasa (282 ili 6,7 % više), 2.392 bez položenog vozačkog ispita (470 ili 24,4 % više), 763 pod izrečenom zaštitnom mjerom (61 ili 8,7 % više), 3.833 vozača su zatečena da koriste mobilni telefon tokom vožnje (10 ili 0,3 % više), a 8.748 vozila je otkriveno da učestvuju u saobraćaju bez važeće registracije (944 ili 12,1 % više).

MIRUJUĆI SAOBRAĆAJ I KONTROLA PJEŠAKA

U toku 2020. godine, pripadnici Uprave policije su uručili 73.623 prekršajna naloga vozačima koji nisu poštivali saobraćajne propise prilikom parkiranja (12.855 manje u odnosu na isti period prošle godine), upozorili 2.993 vozača (548 manje), a specijalnim vozilom „pauk“ premjestili su 2.073 vozila (361 manje).

Takođe, pješacima koji su kršili saobraćajne propise uručeno je 1.446 prekršajnih naloga (1.227 manje), a upozoren je 721 pješak (191 više).

ZAKONITOST U RADU

U toku 2020. godine registrovana su 44 napada (19 ili 76 % više) na policijske službenike Uprave policije MUP-a Kantona Sarajevo: 42 pojedinačna i dva grupna napada. Napadači su u 29 slučajeva koristili fizičku snagu, a u 15 slučajeva oruđa i druge predmete.

Policijski službenici Uprave policije su tokom izvještajnog perioda u 61. slučaju (25 ili 69,4 % više) opravdano upotrijebili silu :

- Fizičku snagu i sredstva za vezivanje - 46 puta
- Fizičku snagu - 10 puta
- Vatreno oružje - četiri puta
- Fizičku snagu, službenu palicu, hemijska i sredstva za vezivanje- jednom

Tokom 2020. godine, razmatrane su 403 predstavke na rad policijskih službenika, od čega su 294 predstavke podnesene od strane građana, dok 109 predstavki predstavljaju saznanja iz službe.

Okončane su 184 unutrašnje istrage, od čega su 63 bile bez dovoljno dokaza, u 39 slučajeva istrage su osnovane, u 39 slučajeva neosnovane, 22 istrage su prekinute do okončanja postupka, u 14 slučajeva istrage su zaključene ocjenom oslobađajuća, u četiri slučaja stranka je odustala od postupka, dok su u tri slučaja istrage obustavljene.

RAD POLICIJE U ZAJEDNICI

U okviru Rada policije u zajednici u 2020. godini realizovane su brojne aktivnosti s ciljem što efikasnije povezanosti i partnerstva policije i lokalne zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast. Sagledavano je stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada i što kvalitetnijeg obavljanja poslova i zadataka policije u ovom domenu rada.

Cilj partnerstva policijskih službenika jeste održanje stanja mira, sigurnog okruženja i prosperiteta za sve članove zajednice, gdje se može reći da rad policije u zajednici konkretno predstavlja proaktivni rad policije u zajednici, otvorenu komunikaciju sa građanima, preduzećima, školama, mjesnim zajednicama i drugim institucijama a sve s ciljem kako bi se dugoročno povećala sigurnost svih građana Kantona Sarajevo.

Realizovane su slijedeće aktivnosti:

- Koordinirane su aktivnosti na provođenju planiranih mjera oko realizacije projekta iniciranog od strane NVO „PH –international“ (Socijalizacija s pravom-PSP),
- Nastavljene su aktivnosti na realizaciji projekta „Lopov uvijek bude otkriven“,
- Na osnovu memoranduma o razumijevanju, stručnoj saradnji i uzajamnoj podršci u istraživanjima u oblasti sigurnosti, potpisanom između Fakulteta političkih nauka u Sarajevu i Uprave policije MUP-a KS, organizovana je specijalistička obuka za ciljne grupe policijskih službenika na temu „Savremene strateške metode u funkcionisanju i radu policije sa zajednicom“,

- Sačinjena je Informacija u vezi implementacije Akcionog plana za prevenciju maloljetničkog prijestupništva i rad sa maloljetnicima u kontaktu sa pravosudnim sistemom 2017.-2019. godina,
- Nastavljene su aktivnosti na realizaciji projekta „Uklanjanje grafita – Zona bez grafita“.
- Izvršeno pridruživanje „on-line“ radionici za djecu na temu „Psi koji rade“, u organizaciji NVO „Dogs Trust BiH Representative Office in BiH“,
- Održana je manifestacija „Auto Show“, u okviru „Akcije za bezbjednost na putevima BiH“, koju na osnovu Rezolucije UN-a iz 2010. godine kontinirano provodi Svjetska automobilistička organizacija,
- Organizovana je dvodnevna akcija dobrovoljnog darivanja krvi uposlenika MUP-a Kantona Sarajevo,
- Održane edukativne radionice/paneli na teme:
 „Uloga policijskih službenika u mirovnim misijama Ujedinjenih naroda, rodne ravnopravnosti te seksualno nasilje u postkonfliktnom društvu, „Podizanje svijesti o radno zasnovanoj diskriminaciji i seksualnom uznemiravanju na radnom mjestu“, „Rad policije u zajednici i postkonfliktna reforma policije – Transformacija policije u cilju postizanja odgovornosti i povjerenja kod građana“ na kojem su izlagani nalazi petogodišnjeg projekta ICT4COP. (Information and Communication Technology Community Oriented Policing) vođen od Norveškog univerziteta prirodnih nauka, Poljskog univerziteta Jagiellonian i Njemačkog Univerziteta prirodnih nauka; „Moj prijatelj policaj/ac/ka“ i „Djeca u saobraćaju“ ;
- Održan trening na temu „Rodna ravnopravnost u policijskim strukturama“ organizovanom od strane Udruženja „Mreža policijskih službenika“ , Centra za sigurnosne studije (CSS) i Ženevskog centra za upravljanje sigurnosnim sektorom (DCAF), a u okviru projekta „Policija i poštivanje ljudskih prava u BiH“, itd.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima boravi cca 4.329 migranata.

Tokom 2020. godine migranti su učestvovali u 115 događaja sa obilježjem krivičnog djela i to:

- ubistvo (čl. 166 KZ FBiH) – četiri,
- ubistvo u pokušaju (čl. 166/28 KZ FBiH) – pet,
- teška tjelesna ozljeda (čl. 172 KZ FBiH) – sedam,
- lahka tjelesna ozljeda (čl. 173 KZ FBiH) – sedam,
- učestvovanje u tuči (čl. 174 KZ FBiH) – jedan,
- krijumčarenje osoba (čl. 189 KZ BiH) - pet,
- bludne radnje (čl. 208. KZ FBiH) – jedan,
- nasilje u porodici (čl.222. KZ FBiH) – jedan,
- posjedovanje i omogućavanje uživanja opojnih droga (čl.239 KZ FBiH-a) – 17,
- krađa (čl. 286 KZ FBiH) – 15,
- teška krađa (čl. 287 KZ FBiH) – 12,
- teška krađa u pokušaju (čl. 287. u vezi člana 28. KZ FBiH) – dva,
- teška krađa na naročito opasan ili naročito drzak način (čl.287. st.1 tač. b) KZ FBiH) – dva,
- razbojništvo (čl. 289 KZ FBiH) – 20,
- oštećenje tuđe stvari (čl. 293. KZ FBiH-a) – sedam,
- izazivanje opće opasnosti (čl. 323. KZ FBiH) – jedan,
- napad na službenu osobu u vršenju poslova sigurnosti (čl.359 KZ FBiH) – tri,
- nasilničko ponašanja (čl. 362 KZ FBiH-a) – tri,
- lažno predstavljanje (čl.369.KZ FBiH-a) – jedan i
- krivotvorenje isprave (čl. 373 KZ FBiH) – jedan događaj.

Zbog postojanje osnova sumnje da su učestvovali u izvršenju navedenih događaja policijski službenici Uprave policije MUP-a Kantona Sarajevo lišili su slobode 73 migranata, 42 su predana u nadležnost Kantonalnog tužilaštva Kantona Sarajevo, a 29 je predato Službi za poslove sa strancima.

U izvještajnom periodu, policijski službenici kontrolisali su 6.410 migranata, od čega 2.325 nisu posjedovali registrovani obrazac, 506 je upućeno službi za poslove sa strancima radi registracije, 382 su predana službi za poslove sa strancima, 3.717 migranata je smješteno u imigracione centre i nad 53 migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 193 akcije) na području Kantona Sarajevo, u 2020. godini, policijski službenici Uprave policije MUP-a Kantona Sarajevo pronašli su ukupno 2.827 migranata.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

2020. GODINA	KANTON SARAJEVO
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	4.329
UKUPAN BROJ KONTROLISANIH MIGRANATA	6.410
BROJ MIGRANATA LIŠENIH SLOBODE	73
BROJ KRIVIČNIH DJELA POČINJENIH OD STRANE MIGRANATA	99
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	172
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	193
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	4.646

Sarajevo, 15.01.2021. godine

Odjeljenje za odnose s javnošću